

SELSKAPSAVTALE
for
Nordhordland Utviklingsselskap IKS

§ 1 NAMN

Selskapet sitt namn er Nordhordland Utviklingsselskap IKS (NUI). Selskapet fører vidare den økonomiske og administrative verksemda til Regionrådet Nordhordland IKS .

Den politiske verksemda vert handsama av Regionrådet Nordhordland (RNH), som heretter vert eit reint politisk organ, og ikkje eigen juridisk eining.

§ 2 EIGARAR

Selskapet er eigd av kommunane Austrheim - org.nr. 948350823, Fedje - org.nr. 944041036, Gulen - org.nr. 938497524, Lindås - org.nr. 935084733, Masfjorden - org.nr. 945627913, Meland - org.nr. 951549770, Modalen - org.nr. 964969302, Osterøy - org.nr. 864338712, og Radøy - org.nr. 954748634.

§ 3 FØREMÅL

3-1 Selskapet skal:

- Arbeide i samsvar med det politiske organet RNH sitt føremål
- Ivareta økonomiske og administrative oppgåver for RNH
- Ivareta saksførebuing og sakshandsaming av saker for RNH
- Gjennomføre utviklingsarbeid som er i tråd med føremålet til RNH
- Ta på seg økonomiske og administrative oppgåver samt utviklingsoppdrag for eigarkommunane etter særskild avtale

3-2 Selskapet kan inngå samarbeidsavtalar med kommunar, fylkeskommunar og andre verksemdar.

3-3 Selskapet kan gå inn som eigar i andre verksemdar, innanfor rammene til kommunelova og andre lover og føresegner knytt til kommunar si deltaking i verksemdar /forretningsdrift.

3-4 Selskapet har kontoradresse i Lindås kommune.

§ 4 REPRESENTANTSKAP

4-1 Selskapet sitt øvste organ er representantskapet som skal ha eitt medlem frå kvar kommune.

4-2 Ordføraren i dei deltakande kommunar er kommunen sin representant med varaordførar som vararepresentant.

4-3 Styret og dagleg leiar har plikt til å møte i representantskapet, med tale og forslagsrett. Administrasjonssjefane i eigarkommunane har rett til å møte, med tale og forslagsrett.

4-4 Røystetalet i representantskapet tek omsyn til folketalet i medlemskommunane. Kvar kommune skal ha 1 røyst uavhengig av folketal. I tillegg skal kvar kommune med minst 3.000 innbyggjarar ha 1 røyst for kvar påbyrja 3.000.

Røystetalet vert regulert i høve til folketalet pr. 1.1. i året og for 2009 er det slik:

<u>Kommune</u>	<u>Røyster:</u>
Austrheim	1
Fedje	1
Gulen	1
Lindås	5
Masfjorden	1
Meland	3
Modalen	1
Osterøy	3
Radøy	<u>2</u>
SUM	<u>18 røyster</u>

4-5 Representantskapet kan ta avgjerder når minst halvdel av medlemmene er til stades og desse representerer minst to tredelar av røystene.

4-6 Representantskapet skal gjere vedtak i samsvar med lova om interkommunale selskap og selskapsavtalen, eller i dei saker som styret legg fram.

4-7 Representantskapet kjem saman minst to gonger i året. Årsmøtet skal haldast seinast innan utgangen av juni månad.

Representantskapet skal handsame desse sakene:

- Årsmelding
- Årsrekneskap
- Årsbudsjett og økonomiplan
- Framlegg frå styret om opptak av lån
- Fullmakter til styret
- Val av medlemmer og varamedlemmer til styret
- Val av leiar og nestleiar i representantskapet
- Val av revisor og fastsetjing av godtgjersle for revisjon
- Fastsetjing av godtgjersle for representantskap og styre

Vedtak i representantskapet skal godkjennast av kommunane dersom dette vert kravd etter lova om interkommunale selskap eller andre lover. Økonomiplan, årsbudsjett, årsrekneskap, årsmelding og utskrift frå møteboka skal sendast medlemskommunane som melding.

§5 STYRET

5-1 Styret består av tre medlem og to varamedlem.

5-2 Styret vert valde av representantskapet for to år om gongen. Representantskapet vel leiar og nestleiar.

- 5-3 Dagleg leiar kan ikkje veljast til styret.
- 5-4 Kwart styremedlem har ei røyst. Styret kan ta avgjerder når minst to av medlemene er til stades.
- 5-5 Styret forvaltar selskapet og skal sjå til at verksemda vert drive i samsvar med føremålet, selskapsavtalen, årsbudsjettet, andre retningsliner og vedtak gjort av representantskapet. Styret sine oppgåver går fram av lova om interkommunale selskap.

§ 6 KAPITAL

6-1 Selskapet har ein innskotskapital på kr. 1.000.000,-.

6-2 Eigar/ansvardelen er delt etter folketal pr. 1.1.2007 som gjev slik fordeling kommunevis:

	eigardel/ansvarsdel
Austrheim	6,47 %
Fedje	1,59 %
Lindås	34,87 %
Gulen	6,17 %
Masfjorden	4,18 %
Meland	15,43 %
Modalen	0,91 %
Osterøy	18,43 %
Radøy	11,95 %

6-3 Eigar/ansvarsdelen kan endrast ved at deltakarar trer inn eller ut av selskapet, og ved at eigar/ansvarsdelen vert regulert kvart fjerde år i høve til folketalet med basisår pr. 1.1.2007.

6-4 Selskapet kan ta opp lån innafor ei samla ramme på kr. 1. million utan godkjenning i medlemskommunane.

§7 KOSTNADSDELING

7-1 Eigarkommunane garanterer for dei årlege utgiftene til selskapet basert på selskapets økonomiplan, etter folketalet i kommunane pr. 01.01 i budsjettåret.

7-2 Selskapet har rekneskapsplikt etter kommunale rekneskapsprinsipp.

§8 NYE DELTAKARAR

8-1 Ny deltakar må betala inn ein kontantsum eller aktiva som skal svare til den nye medlemen sin prosentvise del av selskapet sin egenkapital på tidspunktet for deltaking i selskapet. Utrekning av den nye medlemen sin prosentvise del av egenkapitalen skal stadfestast av revisor.

§ 9 DOTTERSELSKAP

9-1 Representantskapet kan med 2/3 fleirtal etablere dotterselskap under Nordhordland utviklingsselskap IKS. Dotterselskap er i denne samanheng selskap kor Nordhordland utviklingsselskap IKS har minst 50% av eigarskapet. Eit dotterselskap kan vere alle selskapsformer som stettar krav som eige rettssubjekt.

§ 10 UTMELDING

10-1 Utmelding av ein kommune skal skje med minst 1. års varsel. Oppseiingstida vil gå heile det påfølgjande kalenderår og kommunen plikter å betale medlemstilskot i dette året.

§ 11 OPPLØYSING

Framlegg til oppløysing skal vedtakast med minst 3/5 av røystene i representantskapet.

Elles gjeld reglane for oppløysing og avvikling i lova om interkommunale selskap.

§ 12 ENDRINGAR I SELSKAPSAVTALEN

12-1 Endringar i selskapsavtalen må godkjennast av alle medlemskommunane.

12-2 Ved opptak av nye medlemmer skal medlemskommunane også fastsetje ny prosentfordeling av innskotskapital og representasjon i medhald av §§ 4, 6 og 7.

§13 TVIST

13-1 Tvist om tolking vert avgjort med bindande verknad ved valgift etter reglane i tvistelova.

§ 14 ANNA

14-1 For tilhøve som ikkje er omtala i denne selskapsavtala gjeld Lov om interkommunale selskap.

Dato: 11.april 2014

Ordfører i Austrheim

Ordfører i Fedje

Ordfører i Lindås

Per Lerøy

Kristin Handeland

Astrid Aarhus Byrknes

Ordfører i Gulen

Ordfører i Masfjorden

Ordfører i Meland

Hallvard Oppedal

Karstein Totland

Nils Marton Aadland

Ordfører i Modalen

Ordfører i Osterøy

Ordfører i Radøy

Knut Moe

Kari Aakre

Jon Askeland